



**REPUBLIKA E SHQIPËRISË**  
**KONTROLLI I LARTË I SHTETIT**  
**KRYETARI**

Nr. 49/4 Prot.

Tiranë, më 30.10.2020

**V E N D I M**

*Nr119, Datë 30/10/2020*

**PËR**  
**EVADIMIN E MATERIALEVE TË AUDITIMIT TË PERFORMANCËS**  
**“EFICIENCA E ENER GjISË”**

Në zbatim të Planit Vjetor Institucional 2020, Kontrolli i Lartë i Shtetit, në kuadër të përmbushjes së funksionit të tij Kushtetues, zbatimit të Udhëzimeve dhe Standardeve Ndërkombëtare të Auditimit (INTOSAI, EUROSAL, etj.), sipas shkresës nr. prot. 49/1, datë 13.05.2020, Program Auditimi, ndërmori auditimin me temë “Eficiencia e Energjisë”. Ky auditim u ushtrua në Ministrinë e Infrastrukturës dhe Energjisë dhe në Agjencinë e Eficiencës së Energjisë. Pas përfundimit të punës paraprake audituese u përgatit programi auditues. Në përfundim të punës audituese në terren, me shkresën me nr. 49/2 prot datë 30.06.2020 iu përcoll Projekt-Raporti i Auditimit subjekteve nën auditim.

Subjektet nën auditim nuk paraqitën observacione lidhur me Projekt Raportin.

Në përfundim, pasi u njoha me Raportin Përfundimtar të Auditimit dhe *Projekt-Vendimin* e paraqitur nga grupi i auditimit, të Departamentit të Auditimit të Performancës, shpjegimet e dhëna nga subjektet e audituara, mendimin për cilësinë e auditimit nga Drejtori i Drejtorisë së Standardeve dhe Sigurimit të Cilësisë, vlerësimin mbi objektivitetin dhe cilësinë e auditimit nga Kryeaudituesi dhe Drejtori i Departamentit të Auditimit të mësipërm, në mbështetje të nenit 15, shkronja “c” të Ligjit nr. 154/2014, datë 27.11.2014, “Për organizimin dhe funksionimin e Kontrollit të Lartë të Shtetit”.

**KONKLUDOVA**

Raporti i auditimit të performancës me temë “Eficiencia e Energjisë” krahas evidentimit të kornizës legislative mbi të cilën duhet të përputhen masat për përdorimin eficient të energjisë ka synuar në analizimin e mekanizmave financiarë që përdoren sot në Shqipëri dhe përfitimet e arritura nga projektet për rinovimin e ndërtesave publike. Ky auditim është fokusuar kryesisht në sektorin e ndërtesave duke qenë se mundësitë për kursimin e energjisë në ndërtesa janë tepër të larta dhe ndikimi në shëndetin e popullatës lidhet ngushtë me marrjen e masave të përmirësimit të performancës së energjisë në ndërtesa. Kushtet të cilat janë të nevojshme për të siguruar

efektivitetin kanë të bëjnë me nivelin e performancës së subjekteve nën auditim. Në këtë auditim jemi përqëndruar në Ministrinë e Infrastrukturës dhe Energjisë dhe në Agjencinë e Eficiencës së Energjisë si institucionet kryesore në hartimin dhe zbatimin e politikave lidhur me eficiencën e energjisë. Objektivi kryesor i auditimit ka qenë të analizojë efektivitetin e institucioneve subjekt auditimi të cilat janë përgjegjëse për hartimin dhe zbatimin e politikave që synojnë nxitjen dhe përdorimin eficient të energjisë.

Masat e marra nga MIE dhe AEE lidhur me eficiencën e energjisë në vendin tonë nuk kanë qenë efektive. Ministria e Infrastrukturës dhe Energjisë duke mos miratuar një sërë aktesh nënligjore ka dështuar të plotësojë Ligjin nr. 124/2015 “Për Eficiencën e Energjisë” dhe Ligjin nr. 116/2016 “Për Performancën e Energjisë në Ndërtesa”. Metodologjia Kombëtare e Llogaritjes nuk është miratuar me VKM. MIE nuk ka hartuar Strategjinë për Rinovimin e Ndërtesave Publike dhe Planin Kombëtar për rritjen e numrit të ndërtesave me performancë "afër zero energji" si pjesë e PKVEE 2017-2020.

AEE nuk ka monitoruar PKVEE 2017-2020 dhe Ministri i MIE nuk ka raportuar asnjëherë në Këshillin e Ministrave mbi zbatimin e Planit Kombëtar të Veprimit për Eficiencën e Energjisë. Si rezultat i mungesës së MKLL dhe audituesve energjistikë të çertifikuar nga AEE, deri më sot nuk është kryer asnjë auditim energjistik.

Mosfunksionimi i Fondit të Eficiencës së Energjisë ka cënuar financimin e programit në fushën e eficiencës së energjisë, zhvillimin e projekteve pilot për të studiuar teknologji të reja, kërkimin dhe zhvillimin e aktiviteteve për rritjen e EE, ndërmarrjen e fushatave ndërgjegjësuese si dhe zhvillimin e mekanizmave financiarë dhe fiskalë për nxitjen e investimeve. Projektet e eficiencës së energjisë të audituara në këtë auditim nuk kanë arritur objektivat e tyre kryesore. Pavarësisht situatës aktuale, gjatë kohës që ky auditim ishte duke u kryer (janar-qershor 2020), AEE ka hartuar dhe dërguar për miratim në MIE një sërë aktesh nënligjore. Miratimi i këtyre akteve, së bashku me zbatimin e rekomandimeve të lëna në këtë auditim subjekteve të audituara, do të sillte përmirësim në zbatimin e masave të eficiencës së energjisë.

***Nisur nga konkluzionet e mësipërme të veprimitarisë audituese, duke synuar përmirësimin e mëtejshëm të rezultateve:***

## **V E N D O S A:**

**I.** Të miratoj Raportin e Auditimit me temë ***“Eficiencia e Energjisë”***, të ushtruar në Ministrinë e Infrastrukturës dhe Energjisë dhe në Agjencinë e Eficiencës së Energjisë.

**II.** Të miratoj rekomandimet e përcaktuara dhe të kërkoj marrjen e masave për sa vijon:

**I.** ***Për Pyetjen: A janë të përshtatshme dhe mjaftueshme politikat për promovimin dhe përdorimin eficient të energjisë?***

### **Gjetje**

- MIE nuk ka Rregullore të Brendshme të Organizimit dhe Funkcionimit të saj.
- AEE nuk ka Rregullore të Brendshme të Organizimit dhe Funkcionimit të saj.
- “Metodologjia Kombëtare e Llogaritjes” (MKLL) së performancës së energjisë së ndërtesave nuk është e miratuar me VKM.

- Për periudhën 2016-2019 MIE nuk ka miratuar “Programin kompjuterik” bazuar në konceptet kryesore të MKLL.
- “Procedurat dhe kushtet e çertifikimit të performancës së energjisë së ndërtesave dhe modeli, përmbajtja, kushtet e regjistrimit të “çertifikatës për performancën e energjisë të ndërtesave” nuk janë miratuar me Vendim të Këshillit të Ministrave.
- AEE për periudhën 2016-2019 nuk ka hartuar procedurat dhe kushtet e çertifikimit të performancës së energjisë së ndërtesave dhe modelin, përmbajtjen, kushtet e regjistrimit të “çertifikatës për performancën e energjisë të ndërtesave.
- Kategoritë e ndërtesave që janë objekt përjashtimi i Ligjit nr.116/2016 “Për performancën e energjisë së ndërtesave” neni 4 pika 6 nuk janë miratuar me VKM.
- Kërkesat minimale të performancës së energjisë së ndërtesave nuk janë miratuar me VKM.
- AEE për periudhën 2016-2019 nuk ka hartuar kërkesat minimale të performancës së energjisë së ndërtesave.
- MIE nuk ka hartuar Strategjinë për Rinovimin e Ndërtesave Publike.
- Për periudhën 2016-2019 MIE nuk ka miratuar Planin Kombëtar për rritjen e numrit të ndërtesave me performancë "afër zero energji" si pjesë e PVKEE.
- Kriteret dhe procedurat për mënyrën e përzgjedhjes dhe sasinë e çertifikatave që do të verifikohen, si dhe procesi i mbikëqyrjes së çertifikatave të performancës së energjisë në ndërtesa nuk janë miratuar me VKM.
- AEE për periudhën 2016-2019 nuk ka hartuar “kriteret dhe procedurat për mënyrën e përzgjedhjes dhe sasinë e çertifikatave që do të verifikohen, si dhe për procesin e mbikëqyrjes së çertifikatave të performancës së energjisë në ndërtesa”.
- Për periudhën 2016-2019 Ministri i MIE nuk ka miratuar Rregulloren e hartuar nga AEE “Për formatin e auditimit energjistik dhe pagesën për audituesin energjistik”.
- Ministri i MIE nuk ka miratuar Udhëzimin mbi llojin dhe periodicitetin e informacionit mbi informimin dhe trajnimin e palëve të interesit sipas përcaktimit të bërë në Ligjin 124/2015 “Për Eficiencën e Energjisë” neni 15 pika 2 dhe 3.
- AEE nuk disponon një bazë të dhënash kombëtare të përditësuar, lidhur me konsumin final të energjisë dhe arritjet në kursimin saj.
- AEE nuk ka hartuar dhe propozuar për miratim në MIE, Udhëzimin për rregullat e përcaktimit të konsumit të energjisë termike.

### **Për sa më sipër rekomandoj**

- Ministri i MIE të marrë masa për hartimin dhe miratimin e Rregullores së Brendshme të Organizimit dhe Funksionimit të saj.

**Dhjetor 2020**

- Drejtori i Përgjithshëm i AEE të marrë masa për hartimin dhe miratimin e Rregullores së Brendshme të Organizimit dhe Funksionimit të saj.

**Dhjetor 2020**

- MIE në bashkëpunim me AEE të marrin masat për hartimin dhe propozimin në Këshillin e Ministrave të Metodologjisë Kombëtare të Llogaritjes.

**Dhjetor 2020**

- MIE të marrë masa për miratimin e “programit kompjuterik” bazuar në konceptet kryesore të MKLL.

**2 muaj pas miratimit me VKM të MKLL**

- MIE të propozojë për miratim në Këshillin e Ministrave “Procedurat dhe kushtet e certifikimit të performancës së energjisë së ndërtesave dhe modelin, përmbajtjen, kushtet e rregjistrimit të certifikatës për performancën e energjisë të ndërtesave”.

**Dhjetor 2020**

- MIE të propozojë për miratim në Këshillin e Ministrave Kategoritë e ndërtesave që janë objekt përjashtimi referuar Ligjit nr.116/2016 “Për performancën e energjisë së ndërtesave” neni 4 pika 6.

**Dhjetor 2020**

- MIE të propozojë për miratim në Këshillin e Ministrave “kërkesat minimale të performancës së energjisë së ndërtesave”.

**Dhjetor 2020**

- MIE të marrë masat për të hartuar Strategjinë për Rinovimin e Ndërtesave Publike.

**Me miratimin e PKVEE-së së ardhshme**

- MIE të marrë masat për të hartuar Planin Kombëtar për rritjen e numrit të ndërtesave me performancë "afër zero energji" pjesë e PVKEE;

**Me miratimin e PKVEE-së së ardhshme**

- MIE të propozojë për miratim në Këshillin e Ministrave “kriteret dhe procedurat për mënyrën e përzgjedhjes dhe sasinë e certifikatave që do të verifikohen, si dhe procesin e mbikëqyrjes së certifikatave të performancës së energjisë në ndërtesa”.

**Dhjetor 2020**

- Ministri i MIE të miratojë rregulloren e hartuar nga AEE “Për formatin e auditimit energjitik dhe pagesën për audituesin energjitik”.

**Tetor 2020**

- Ministri i MIE të miratojë Udhëzimin mbi llojin dhe periodicitetin e informacionit mbi informimin dhe trajnimin e palëve të interesit sipas përcaktimit të bërë në Ligjin 124/2015 “Për Eficiencën e Energjisë” neni 15 pika 2 dhe 3.

**Dhjetor 2020**

- AEE të marrë masat në ngritjen e një baze të dhënash kombëtare të përditësuar, lidhur me konsumin final të energjisë dhe arritjet në kursimin e saj.

**Në vazhdimësi**

- AEE të hartojë dhe të propozojë për miratim në MIE, Udhëzimin për rregullat e përcaktimit të konsumit të energjisë termike.

**Dhjetor 2020**

## II. Për pyetjen: **A është zbatuar kuadri ligjor/rregullator nga institucionet përgjegjëse lidhur me Eficiencën e Energjisë?**

### **Gjetje**

- AEE nuk ka monitoruar zbatimin e PKVEE 2017-2020.
- Ministri i MIE nuk ka miratuar një Urdhër të veçantë mbi formën dhe shpeshhtësinë e paraqitjes së raportimit të PKVEE 2017-2020.
- Ministri i MIE nuk ka raportuar asnjëherë në Këshillin e Ministrave mbi zbatimin e PKVEE 2017-2020.
- Deri më sot në Shqipëri nuk është bërë asnjë auditim energjitik dhe nuk është lëshuar asnjë certifikatë e performancës së energjisë në përputhje me Ligjin nr. 116/2016 “Për performancën e energjisë së ndërtesave”.

- Për periudhën 2016-2019 nuk është bërë certifikimi për asnjë auditues energjistik.
- Urdhëri i Kryeministrit me nr. 56 datë 20.04.2017 “Për miratimin e strukturës dhe të Organikës së Agjencisë për Eficiencën e Energjisë” nuk është zbatuar.
- Deri më sot nuk është lidhur asnjë marrëveshje vullnetare midis AEE dhe Konsumatorëve të mëdhenj të energjisë (KME).
- AEE nuk ka ndërmarrë masa për vënien në zbatim të faturave të energjisë që përmbajnë:
  - krahasime në formë grafike mbi konsumin e vitit aktual me atë të mëparshëm,
  - këshilla për konsumin e energjisë në mënyrë eficiente;
  - numrin jeshil pa pagesë.<sup>1</sup>
- AEE nuk ka ndërmarrë fushata ndërgjegjësimi dhe nuk ka informuar konsumatorët fundorë për metodat dhe praktikën e ndryshme, që shërbejnë për të rritur performancën e energjisë.
- AEE nuk ka organizuar trajnime për përfaqësuesit e institucioneve qendrore, vendore, audituesit e energjisë, si dhe menaxherët e energjisë mbi legjislacionin për eficiencën e energjisë, si dhe për masat për implementimin e këtij legjislacioni.
- AEE nuk ka kryer sondazhe mbi të dhënat e konsumit të energjisë në sektorët rezidencialë, shërbimeve, industrisë, transportit dhe bujqësisë.
- AEE nuk ka patur në strukturën organizative të saj një sektor të posaçëm lidhur me informacionet dhe statistikën.
- AEE nuk ka patur në strukturën e saj nëpunës të autorizuar.
- AEE gjatë periudhës objekt auditimi nuk ka aplikuar asnjë kundravajtje administrative referuar Ligjit nr. 124/2015 “Për Eficiencën e Energjisë” neni 26 pika 1 dhe Ligjit nr. 116/2016 “Për Performancën e Energjisë së Ndërtesave” neni 15 pika 1.

#### **Për sa më sipër rekomandoj**

- AEE të monitorojë zbatimin e PKVEE 2017-2020 dhe PKVEE pasardhëse.
 

**Në vazhdimësi**
- Ministri i MIE të miratojë një Urdhër të veçantë mbi formën dhe shpeshësinë e paraqitjes së raportimit të PKVEE.
 

**Tetor 2020**
- Ministri i MIE të raportojë në Këshillin e Ministrave mbi zbatimin e PKVEE 2017-2020 dhe çdo vit për PKVEE-të pasardhëse.
 

**Dhjetor 2020 dhe në vazhdimësi**
- Pas miratimit me VKM të MKLL-së dhe certifikimit të audituesve energjistikë AEE të marrë masa për vënien në zbatim të plotë të Ligjit nr. 124/2015 “Për Eficiencën e Energjisë” dhe Ligjit nr. 116/2016 “Për Performancën e Energjisë së Ndërtesave” me qëllim realizimin e auditimeve energjitike.
 

**Në vazhdimësi**
- Pas përcaktimit të Konsumatorëve të mëdhenj të energjisë, AEE të shikojë mundësinë për lidhjen e marrëveshje vullnetare me ta.
 

**Në vazhdimësi**
- AEE të ndërmarrë masa për vënien në zbatim të faturave të energjisë që përmbajnë:
  - krahasime në formë grafike mbi konsumin e vitit aktual me atë të mëparshëm,
  - këshilla për konsumin e energjisë në mënyrë eficiente;
  - numrin jeshil pa pagesë.

---

<sup>1</sup> PKVEE 2017-2020, fq 110.

### **Dhjetor 2020 dhe në vazhdimësi**

- AEE të ndërmarrë fushata ndërgjegjësimi duke informuar konsumatorët fundorë për metodat dhe praktikatat e ndryshme, që shërbejnë për të rritur performancën e energjisë.

### **Dhjetor 2020 dhe në vazhdimësi**

- AEE të marrë masa për të organizuar trajnime për përfaqësuesit e institucioneve qendrore, vendore, audituesit e energjisë, si dhe menaxherët e energjisë mbi legjislacionin për eficiencën e energjisë.

### **Mars 2021 dhe në vazhdimësi**

- AEE të realizojë sondazhe mbi të dhënat e konsumit të energjisë në sektorët rezidencialë, shërbimeve, industrisë, transportit dhe bujqësisë.

### **Mars 2021 dhe në vazhdimësi**

- AEE të marrë masa për të iniciuar ndryshime në strukturën organizative të saj duke krijuar një sektor të posaçëm lidhur me informacionet dhe statistikatat.

### **Dhjetor 2020**

- AEE të marrë masa për përfshirjen në strukturën e saj të nëpunësve të autorizuar në përputhje me Ligjin nr. 116/2016 “Për Performancën e Energjisë së Ndërtesave” neni 13 pika 3.

### **6 muaj pas procesit të parë të çertifikimit të audituesve energjitikë**

- AEE të marrë masa për aplikimin e kundravajtjeve administrative referuar Ligjit nr. 124/2015 “Për Eficiencën e Energjisë” neni 26 pika 1 dhe Ligjit nr. 116/2016 “Për Performancën e Energjisë së Ndërtesave” neni 15 pika 1 pasi të gjenerohen “Çertifikatat e Performancës së Energjisë në Ndërtesa” nga audituesit energjitikë.

### **Në vazhdimësi**

## **III. Për pyetjen: A ekzistojnë mekanizma financiare për të siguruar rritjen e Eficiencës së Energjisë?**

### **Gjetje**

- Fondet e planifikuara në buxhetin e shtetit për periudhën 2018-2019 janë rreth 14 herë më pak se fondet e nevojshme për të zbatuar aktivitetet e parashikuara për EE në Strategjinë Kombëtare të Energjisë deri në vitin 2020<sup>2</sup>.
- Niveli i realizimit të fondeve të parashikuara në buxhetin e shtetit për EE, për vitin 2017, ishte 19%.
- Në 2018, fondet e alokuara për eficiencën e energjisë ishin rreth 53% më pak se fondet e planifikuara në buxhetin e shtetit.
- Për vitin 2019, grupi i auditimit arriti të analizojë vetëm nivelin e realizimit të financimeve të brendshme, i cili ishte në nivelin 58%.
- Nga të dhënat e konsultuara nga G.A, vënë në dispozicion nga Drejtoria e Buxhetit dhe Menaxhimit Financiar në MIE, mosrealizimi i buxhetit ka ardhur si rezultat i vonesave të lidhura me projektet e huaja (kujtojmë se EE është financuar kryesisht me fonde të huaja), si: vonesa në lidhjen e marrëveshjeve financiare, vonesa në nxjerrjen e lejeve të ndërtimit, etj.

<sup>2</sup> Shënim i G.A: Në këtë llogaritje nuk është përfshirë viti 2020.

- Në qershor 2020, MIE ende nuk ka të dhëna zyrtare mbi nivelin e realizimit të financimeve të huaja për projektet në EE gjatë vitit 2019.<sup>3</sup> Drejtoria e Buxhetit dhe Menaxhimit Financiar, ende nuk ka marrë të informacione nga Drejtuesi i Ekipit të Projekteve të Energjisë mbi nivelin e realizimit të buxhetit për fondet e huaja, për vitin 2019.
- Në vitin 2017 nuk janë alokuar fonde për AEE, megjithëse ky institucion është krijuar në vitin 2016<sup>4</sup>.
- Gjatë periudhës nën auditim, buxheti i alokuar për AEE është rreth 55% më pak se buxheti i nevojshëm për funksionimin e plotë të këtij institucioni, referuar PKVEE 2017-2020.
- Në vitin 2019, AEE ka marrë gjobë nga Drejtoria e Tatimeve në vlerën 43.684 lekë, për mospagimin në kohë të detyrimeve shoqërore dhe shëndetësore të punonjësve të saj. Pamjaftueshmëria e fondeve të alokuara për AEE ka ndikuar në mosmbulimin e kontributeve shoqërore dhe shëndetësore të punonjësve të saj.
- Fondi i Eficiencës së Energjisë i parashikuar në Ligjin nr. 124/2015 “Për Eficiencën e Energjisë” Kreu V, nuk është ngritur dhe nuk ka funksionuar ndonjëherë.
- Në vendin tonë, përveç granteve, nuk është aplikuar asnjë instrument tjetër financiar për të mbështetur investimet në Eficiencën e Energjisë.

#### **Për sa më sipër rekomandoj**

- Drejtoria e Përgjithshme e Politikave dhe Zhvillimit të Industrisë dhe Energjisë në MIE të kostojë aktivitetet që duhet të ndërmerren në përmbushje të objektivave të parashikuara në SKE dhe PKVEE për eficiencën e energjisë.

#### **Dhjetor 2020**

- Drejtuesi i Ekipit të Menaxhimit të Programit Buxhetor (DEMP) të Energjisë, të trajtojnë në mënyrë të detajuar, në raportet vjetore të monitorimit që përgatit mbi realizimin e buxhetit, shkaqet dhe përgjegjësit për mosrealizimin për çdo rast.

#### **Në vazhdimësi**

- MIE të ndërmarrë masat e nevojshme për të siguruar buxhetimin faktik për eficiencën e energjisë, në mbështetje të aktiviteteve të kostuara për të garantuar përmbushjen e objektivave të SKE dhe PKVEE.

#### **Në vazhdimësi**

- MIE të ndërmarrë masat e nevojshme për realizimin buxhetit për eficiencën e energjisë, në përputhje me buxhetin faktik.

#### **Në vazhdimësi**

- Drejtuesi i Ekipit të Projekteve të Energjisë të përgatisë dhe të dërgojë pranë Drejtorisë së Buxhetit dhe Menaxhimit Financiar, raportin e monitorimit të zbatimit të buxhetit me shifra dhe narrativ, për vitin 2019.

#### **Menjëherë dhe në vazhdimësi**

- AEE në bashkëpunim me MIE të ndërmarrë masat e nevojshme për të kostuar aktivitetet që ky institucion duhet të kryejë, në përmbushje të detyrimeve ligjore dhe rregullatore.

#### **Dhjetor 2020**

<sup>3</sup> Udhëzimi standard nr. 9, datë 20.03.2018 "Për procedurat standarde të zbatimit të buxhetit" dhe Udhëzimi Nr. 22 datë 17/11/2016 "Për procedurat standarde të monitorimit të buxhetit për njësitë e qeverisjes qendrore", Përgjegjësitë e Drejtuesit të Programit.

<sup>4</sup> VKM nr. 852 dt. 07.12.2016 "Për krijimin dhe mënyrën e organizimit të funksionimit të Agjencisë për Eficiencën e Energjisë".

- MIE të ndërmarrë masat e nevojshme për të alokuar buxhetin për AEE, mbështetur në rezultatet e kostimit të aktiviteteve, me qëllim funksionimin e plotë të AEE.

**Në vazhdimësi**

- Ministri i MIE të propozojë pranë Këshillit të Ministrave për miratim projekt-vendimin “Për Krijimin e Fondit për Eficiencën e Energjisë”.

**Dhjetor 2020**

- MIE, në përmbushje të rekomandimit të dhënë në SKE 2018-2030, të ndërmarrë masat e nevojshme për të aplikuar instrumentet financiare, me qëllim nxitjen e investimeve në eficiencën e energjisë.

**Menjëherë dhe në vazhdimësi**

#### **IV. Për pyetjen: A kanë arritur projektet e zbatuara në fushën e EE objektivat e parashikuara?**

##### **Gjetje**

- MIE nuk ka të dhëna mbi sipërfaqen totale të ndërtesave publike të rikonstruktuar gjatë periudhës 2016-2019 lidhur me eficiencën e energjisë.
- MIE nuk ka të përcaktuar një maksimum të periudhës së vetëshlyerjes për aprovimin e investimeve në eficiencën e energjisë.<sup>5</sup>
- Projekti GALET nuk ka të përcaktuar objektiva që lidhen me çmimin njësi për energji të kursyer.
- Në projektin GALET nuk është realizuar auditim energjistik pas rinovimit të tre godinave (Bashkia Vlorë, Bashkia Gjirokastër, Biblioteka Korçë) sepse nuk ka qenë e detyrueshme në kushtet kontraktuese.
- Raportet e auditimit energjistik për godinat e Bashkisë Vlorë, Gjirokastër dhe Bibliotekës së Korçës janë kryer në tetor 2016, ndërkohë rinovimi ka filluar në gusht 2016.
- Struktura menaxhuese e projektit “Auditimi energjistik i stokut të ndërtesave publike” nuk është krijuar në përputhje me termat e referencës.
- Software PEN që nga momenti i përfundimit të projektit e deri më sot nuk është vënë në përdorim.
- Objektivi i projektit PEN për realizimin e 65,000 auditimeve energjitike deri në 2019 nuk është arritur.
- Deri në vitin 2019 nuk është dhënë asnjë certifikatë nëpërmjet Software PEN.
- Projekti i Software PEN nuk ka mundur realizimin e trajnimeve për stafin që do ta përdorë atë.

##### **Për sa më sipër rekomandoj**

- MIE (në bashkëpunim me AEE) të sigurojë të dhëna të sakta mbi sipërfaqen totale të ndërtesave publike të rikonstruktuar gjatë periudhës 2016-2019 dhe në vazhdim lidhur me eficiencën e energjisë.

**Dhjetor 2020**

- MIE të marrë masa për të përcaktuar një maksimum të periudhës së vetëshlyerjes për aprovimin/miratimin e projekteve/investimeve në eficiencën e energjisë.

**Dhjetor 2020**

---

<sup>5</sup> Cost-effectiveness of Cohesion Policy Investments in Energy Efficiency, ECA 2012, paragraph 23.



- MIE të marrë masa që çdo projekt/investim (lidhur me rinovimin e ndërtesave publike) që do të mbështesë në vazhdimësi të ketë të përcaktuar objektiva që lidhen me çmimin njësi për energji të kursyer.

**Në vazhdimësi**

- MIE të marrë masa që çdo projekt/investim (lidhur me rinovimin e ndërtesave publike) që do të mbështesë në vazhdimësi të ketë të përcaktuar në kushtet kontraktuese realizimin e auditimeve energjitike para dhe pas rinovimit të ndërtesave.

**Në vazhdimësi**

- MIE të marrë masa për zbatimin e termave të referencës së çdo projekti të cilin realizon.

**Në vazhdimësi**

- Pas miratimit të Metodologjisë Kombëtare të Llogaritjes (MKLL) së performancës së energjisë në ndërtesa dhe çertifikimit të audituesve të çertifikuar të energjisë MIE (në rolin e Autoritetit Kontraktor) dhe AEE në rolin e Institucionit e “Përdoruesit” të këtij sistemi të bashkëpunojnë për vënien në përdorim të tij.

**3 muaj pas miratimit me VKM të MKLL dhe çertifikimit të audituesve të energjisë**

- MIE të kërkojë nga Kontraktori realizimin e trajnimeve për stafin që do të përdorë Software PEN.

**Dhjetor 2020**

Me ndjekjen dhe kontrollin e zbatimit të detyrave dhe masave të përcaktuara në këtë vendim ngarkohet Departamenti i Auditimit të Performancës.

**K R Y E T A R**

**Arben SHEHU**